

Столшнец

ВКП(б)-лэн Удмуртской АССР-ысь Иж райномезлэн но райсоветлэн органы.

6-тй арзэ
погэ. № 66 (660) 28 июль 1940 ар Дуныз 5 коп.



Дано мед луоз Советской Союзлэн Военно-Морской Флотэз-
советской морской границаосты оскымон возьмась!

Суредэз Н. А. Долгоруков художниклэн.

ТАСС-лэн фото-клишеез.

СОВЕТСКОЙ СТРАНАЛЭН ВОЕННО-МОРСКОЙ ФЛОТЭЗ

28 июле советской калык СССР-лэн Военно-Морской Флотэзлэсь нуналэз праздновать каре.

Гражданской войналэн ар'ёсаз революционной моряк'ёс Красной Армилен боец'ёсыныз валче самоотверженно нюр'ясыкызы белогвардейской своралы но 14 капиталистической государствоослэн интервент'ёсылы пумит.

Гражданской война быриз. Асьме страналэн калыкез кутскиз войнаен куашкатэм хозяйствоез вьлдыны.

8 мартэ 1921 арын усыйськем партилен Х с'ездэз пуктиз. «...Красной военной флотэз кылдытыны но сое юматыны ужрад'ёс кутано». Партия краснофлотец'ёслэсь но командир'ёслэсь рад'ёссэс юматиз энергичной, революцилен ужелзы преданной адямиосын.

Сталинской пятилеткаослэн ар'ёсаз кылдытэмын вал машиностроительной но судостроительной промышленности. Отечественной завод'ёсын отечественной материал'ёслэсь асьмеос лэсьтиськом трос тип'ем но класс'ем вьль боевой корабльёс. Ленинлэн — Сталинлэн партиез воспитать кариз мужественной, вьль квалифицированной военно-морской командир'ёсты, краснофлотец'ёсты но политработник'ёсты — социалистической родиналэсь патриот'ёссэ.

1932 арын Сталин эшлэн инициативаез'я Тихоокеанской Флот кылдытэмын вал. Кужмо сылэ Тихоокеанской флот асьме родиналэн дальневосточной рубеж'ёсты возьмась луса.

Жоген Северной флот но кылдытэмын вал. Та флотлэн базазлы Сталин эш ачиз эскериз инты но бырийз.

Советской Союзэз омывать каро 2 океан'ёс но 12 мораос. 50.000 километр кем кыстыське асьме страналэн вувыл границаосыз. СССР-лэн Верховной Советэзлэн I сессияз Молотов эш шуиз: «Асьмелы ляд'ясыкыны кылэ соин, что асьмелэн странама бад'ым, что солэн бад'ым азыз омываться кариське мораосын, но со асьмелы котьку

тодэ вайытэ со сярысь, что асьмелэн флотмы луыны кулэ юн но кужмо.

Кужмо Советской державалэн луыны кулэ солэн интерес'ёсызлы тупась, асьмелэн великой ужмылы достойной-луись морской но океанской флотэз».

СССР-лэсь Военно-Морской Флотэз кылдытонэз но юматонэз Сталин эш эскерыса улэ. Талы асьмеос обязан луйськомы историын нокуно адзылымтэ жоглык'ёсын боевой корабльёсты лэсьтонлы, куд'ёсыз вооружить каремын самой азымынись техникаен. Табере ини асьмелэн Военно-Морской Флотмы кышкыг, нокуно вормонтэм кужымен луиз.

Асьмелэн вань подводной флотмы, куд'ыз аслаз лыдыз'я но зечлык'ез'я мирын ик самой вьльын улэ. Асьмелэн подводной лодкаосмылэсь техниказэ но асьмелэн подводник'ёсмылэсь качествоз враг'ёс юн шод'изы. Командованилэсь заданиосэ образцово быдэс'ямзы понна «С—1», «Щ—311» но «Щ—324» подводной лодкаос Красной Знамя орденэн наградить каремын. Советской Союзлэн Герой'ёсызлэн кышкасьтэм но быгат'ись военной моряк'ёслэн Египко, Трипольский, Бурмистров, Коняев, Вершинин эш'ёслэн но трос мукет'ёсызлэн командир'ёслэн но краснофлотец'ёслэн ним'ёсы тодмо быдэс дуннеын.

Та берло ар'ёсы асьмелэн Военно-Морской Флотмы вьль бад'ымесь корабльёсын буд'из на. Та корабльёс нимысьтыз ик вис'ясько вьль боевой зечлыкенызы но жог ветлэменызы. 1939 арын, гужем Балтийской флотлэн эскадраез морас потиз аслаз строяз вьль лэсьтэм 50-лэсь трос корабльёс иметь карыса. Пёртэм класс'ёс'ем корабльёс трос лэсьтисько асьмелэн судостроительной завод'ёсамы.

Советской Союз дуннеын ик кужмо морской державаен луэ. Советской Военно-Морской Флотлэн мужественной командир'ёсыз но краснофлотец'ёсыз пазгозы котькуд тушмонэз солэн аслаз ик вуосаз.

Англо-германской война

Германия кужмо дасяське Англилы пумит решительной атакаослы. «Санди Диспеч» английской газетгожтэ, что немец'ёс парашютист'ёсты трос люкасы Голландие. Голландской порт'ёсын трос векчи судноос. Англия пёртэм оборонительной ужрад'ёс ортчыт'я. Та нунал'ёсы английской морской министерство Ирландской морас минировать карем сярысь иворт'из.

Со дыре ик та кык жугиськысь странаослэн авиацизы активностэ паськытатэ. Разрушениос, куд'ёсыз причинить каремын бомбардировкаосын, кызы ке Англиын, озы ик Германиын, бад'ымесь. Американской печатьлэн ивортэмез'я, германской бомбардировщик'ёс Плимут, Пемброк, Кардифф английской порт'ёсты куашкат'изы. Та порт'ёсын вань верф'ёс быдтэмын. Ангилэн Германилы пумит'яськем дей-

ствиосаз луэ тани та фактэз но басьтыны: 22 июле потон уй, английской самолет'ёс Германилен территория вылаз 37 тонна фугасной бомбаос, 100 пичнесьгес зажигающей бомбаос кушт'изы. Кызы ивортэ германской информационной бюро, английской военно-воздушной кужым'ёс Германилен город'ёсыз вьль чэмгес нападать карылыны кутскизы. Та берло уйе зол бомбардировка улэ шедизы Берлинлэн населенной квартал'ёсыз. Бомбаос куштэмын вал трос интыосын гурт'ёс вьлэ но.

22 июле Англилен иностранной уж'ёсыз'я министрз Галифакс мирной чектон'ёсты палэнт'из, куд'ёсыз сётэмын вал Гитлерлэн речаз. «Ми валаськом, — шуиз министр, — что жугиськон милемлы дуно усэз. Нош ми жугиськемысь ум дугдэ со дорожь, пока ём ворме». (ТАСС).

Прибалтийской Советской республикаосын всенародной праздник

23 июле Литваын но Латвиян народной сейм'ёс но Эстониын Государственной Дума асьсэлэсь ужзэс йылпум'язы. Та бад'ым государственной уж 3 нунал чоже мын'из. Литовской, Латвийской но Эстонской калыклэн избранник'ёсыз асьсэлэн республикаосазы Советской власть тупатон сярысь исторической решениос кут'изы. Соос озы ик решение кут'изы вьль Советской республикаосты Советской Социалистической Республикаослэн Союз'ызлэн составаз пыртон сярысь куриськыса СССР-лэн Верховной Советэзлы вазиськыны. Откылысь ку-

тэмын муз'емез всенародной достояниен ялон сярысь декларация. Провозгласить каремын банк'ёсты но крупной промышленностез национализировать карон.

Литвалэн, Латвилэн но Эстонилэн город'ёсаз но гурт'ёсаз трос калык'ем митинг'ёс, собраниос, шествиос, демонстрациос ортчыло. Прибалтикаосы калык'ёс асьсэ республикаосазы Советской власть кылдэмез но Советской Союзлэн калыкезлэн братской семья полэз пыремзэс зечкылало. Калык та событиез земос калыклэсь праздник'сэ кадэ пус'е. (ТАСС).

Литвалэн, Латвилэн но Эстонилэн калык'ёсызлы братской салам!

Литвалэн, Латвилэн но Эстонилэн калыкезлэн вековой чаяныз зэм луиз: та странаосын провозгласить каремын Советской власть. Вьль Советской граждан'ёсты пось зечкылало социалистической страналэн трудящейёсыз. Бад'ым под'ёмен ортчиз митинг «Компрессор» московской заводын.

— Класс'я милям брат'ёсмы, Прибалтийской странаосысь трудящейёс, — шуиз компрессорной станцилен рабочиес механик Лебедев, — мозмытскизы рабстволэсь но эксплоататор'ёслэсь. Сюлмысьтымы ик зечкыласько соосты исторической вормон'ёсын. Литвалэн, Латвилэн но Эстонилэн трудящейёсыныз огазын ужаломы асьмелэн социалистической родинамылэн сясыка-яськонэз понна.

Трос калык'ем митинг ортчиз минской радиозаводын. Митингын выступать карись, заводлэн слеса-

рез Шнипельский шуиз: «Мон Вильно городын вордскемын. Мыным шумпотымон, что Литвалэн трудящейёсыз али праздновать каро асьсэлэсь вормемзэс. Трос шуг-секиг'ёсты ортчано луиз соослы капиталист'ёслэсь но помещик'ёслэсь. Ми, советской адямиос, шудо шулдыр улонэн ульськомы. Озы ик шудо улыны кутскозы Литвалэн, Латвилэн но Эстонилэн трудящейёсыз.

Бад'ым жутскем мылкыдын ортчиз митинг Ростовской областись, Сальской районьсь, Егорлыдской МТС-ысь Николай Гладкийлэн тракторной бригадаяз.

— Советской власть гинэ, — шуэ Зимовец тракторист, — трудящейёс-лы шудо улон вае. Асьме Советской страна шоры учко вань странаосысь азымынись человечество. Асьмеос сое валаськомы но азыланьын эшшо но умой, эшшо но кужмо ужаны кулэ. (ТАСС).



Москваын Красной площадын физкультурник'ёслэн парадзы.
Фотосз А. Межуевлэн.

ТАСС-лэн фото-клишеез.

Колхоз бусыосын

Ю-нянь октон-калтонын

«Ударник» колхозын ю-нянь октон-калтонлэн самой пось дырыз. 25 июль азелы 18 гектар зег арамь вал ини. Ю-нянь октон-калтонын 60 мурт колхозник'ёс ужало. Аран мынэ 4 машинаен но кийн арало.

Куд-ог колхозник'ёс ужанлэн нырысь нунал'ёсаз ик культю керттонын умой ужамзэс возматйзы. Колхозницаос А. Зайкова, комсомолка, М. Ермолаева, Е. Макарова 5 часын чукна ини соос бусыын луо. А. Зайкова нормая 400 культю интые 436 культю керттылэ, М. Ермо-

лаева — 413, Макарова—400 культю. Соос ас вылазы обязательство басытйзы нуналлы быдэ быдэн 800 культю керттыны но соцсоревнование отйзы кыктэтй бригадаысь вань колхозницаосты.

Колхозлы бадзым юрттэт сето подросток'ёс но. Соос валэс юосты уризы но али картофка уроньн ужало. Куд-ог подросток'ёс, кылсярысь А. Андреева, М. Иванова нормая 0,25 га урон интые 0,26 — 0,30 га урыло.

Н. И.

Огкылысь ужало

«Коминтерн» колхозын араны огмылдын кутскизы. Колхозник'ёслэн ваньзылэн мылдызы одйг — ю-нянь октон-калтонэз умой но вакчи дырын быдэстыны. Соос, араны кутскемлэсь азвыл, дасязы вань аран машинаосты, кутсаськон машинаосты, кутсаськон итым'ёсты, мешок'ёсты, ын'ёсты но кенос'ёсты.

Аранын уж умой организовать каремын. Колхозник'ёс звеноос'я люкылымын но нимаз участок'ёсы юнматэмын. Чукна уже 4 часын пото но ужысь бер жйт берто.

25 июле колхозлэн бусыосаз 53 колхозник'ёс ужазы. Одйг прогульщик но овёл, ваньмыз ужало.

— Сыче огмылдын ужез колхоз оз на адзлы на вал, — шуо колхозлэн председателез Карачев эш но колхозлэн бригадирез Уржумцев эш.

Колхоз али кутсаськыны но государствоы ю-нянь сётонлы дасяське.

Озы ик колхозник'ёс дыраз быдэстызы октон-калтон азелы дасяськон уж'ёсты но. Сюрес лэстыон уж'ёслэсь планзэс соос трослы мултэсэн быдэстызы.

— Милям синмаськымон адямиосмы вань. Тани, кылсярысь, Матвеев Александр Павлович торф дасянын нормая 5 кубометр интые, нуналлы быдэ 24,5 кубометрозь вуттылйз но мукет — шуэ Карачев эш.

Осконо луэ, что «Коминтерн» колхозысь колхозник'ёс октон-калтон уж'ёсты азинскон'ёсын быдэстозы шуса.

П. Ермолаев.

Нырысь нунал'ёсы лэстыэм

«Красной Лудорвай» колхозын октон-калтон уж'ёс туж каллен мыно. 4 нунал куспын татын ваньзэ-овёлзэ 16 гектар гинэ октэмын. Октон-калтонлэн сыче ляб жоглык'ёссэ валэктоно луэ ужез кулэз'я организовать карымтээн.

Тани пример'ёс. Даниловлэн бригадаяз, 25 июле, нуназе бере, вал'ёсты сётымтээн сэрэн одйгез машина жыны нунал ужатэк сылйз. Соосаз бригадаосын, куд'ёсаз машинаосын арало, арам бере культюосты соку ик уг керттыло. Сидоровлэн бригадаяз 24 июле арам кырым'ёс 1,5 гектар вылын керттылымтэ на, нош 26 июль азелы ваньмыз 3,5 гектар вылын керттымтэ кырым'ёс кельтэмын.

Та бригадаын колхозник'ёслэн ужам ужзы со нуналэ ик приниматься уг кариськы, соин сэрэн трудоденьёсты гож'ян но кемалы кыстыське.

Н. Романовлэн бригадаез октон

янгыш'ёсты лыдэ басытоно

калтонэз дасяськытэк пумитаз. Аран машинаос тупатытэк сыло. Бригадаын уж кызы кулэ озыы организовать овёл каремын. 4 нунал чоже бригада 3,24 гектар гинэ араз. Со озы луэ соин, что татын чукна уже пото 8 часын, ужысь берто шунды пуксемлэсь азвыл. Соин паймымон ик овёл, что 18 колхозник'ёс пёлысь, куд'ёсыз арало, ужан нормазэс 3 мурт гинэ быдэс'яло. Куд-ог колхозницаос, кылсярысь Н. Иглина, ужаны уг потало. Сыче уж'ёс луыса но Романов эш трудовой дисциплинаез юнматон понна но ужез шонер организовать карон понна нокиче ужрад'ёс уг куты.

«Красной Лудорвай» колхозлэн правлениезлы та лэстыэм янгыш'ёсты али ик тупатонно но колхозник'ёсты организовать кароно октон-калтон ужез вакчи дыре но вылй зечлыкен ортчытыны.

Н. Вахрушева.

„Интернационал“ колхозын

Колхозной бусыын зеч удалтэм ю-нянь вуэ. Пось, июльской шунды ю-нянлэсь вуонзэ жогатэ. Бригадир'ёс нуналлы быдэ кизем юосты эскерыны бусыосы потало. Котькуд колхозник шумпотэ вылй урожайлы. Соос'юлмасько октон-калтонэз умой ортчытыны, дыраз кутскыса, ыштон'ёстэк.

Азвыл нунал 2-тй бригадалэн бригадирез бусые потаз но Яг пал бусыын зегез араны луон сярэсь ивортйз. Соку ик со наряд-пусйиз но нырысетй звенолэсь звеньевойзэ отйз.

— Беляев эш! Тынад участюкысьтыд зег араны вуэмын. Чуказе звеноед колхозын нырысь потэ араны. Уж борды умой-умой кутсконо луоз, — шуиз бригадир ужаны наряд сётыса.

Чуказеяз вазь чукна ик звено бу-

сье потйз. Уж мынйз умой, колхозник'ёс зеч удалтэм нянез шумпотыса аразы. Нуналлэсь ортчэмзэ ик оз шодэ. Нырысь нуналэ ужамлы итог лэстыса, звеньевой ивортйз: наряд быдэстэмын, ваньмыз колхозник'ёс ужан нормаоссэс быдэстызы. Шабарова Александра, Кузьмина Анастасия, Афанасьева Федосия ужан нормазэс быдэн 120 процентлы быдэстызы.

Бригадир ивортйз, что соослы ваньмызлы трудодень кык вылтй гожтэмын.

Озы ик умой мынйз уж етйн ичконын но. Пинал'ёс, колхоз'ёслы юрттыса, етйн ичконын ужало. Соос быдэн 80—100 культю ичкызы нырысь нуналэ.

Озы кутскиз 22 июле ю-нянь октон-калтон уж «Интернационал» колхозын.

Н. Потапов.

Вылъ дышетскон арлы умой дасяськоно

Вылъ дышетскон арлы дасяськон котькуд школалэн улоназ ответственной дырен луэ. Дасяно школьной зданиосты, общежитиосты, тупатонно гур'ёсты, партыосты, пу дасяно но мукет — ваньмыз та быдэстэмын луыны кулэ дыраз. Лыдэ басытоно сое, что дырыз дыр'я тупатэм школа сётоз луонлык быдэс дышетскон арез умой ортчытыны.

Куд-ог школаос дасяськон уж'ёсты дыраз быдэстызы. Кылсярысь, Козловской сельсоветысь Ленинской начальной школа (школалэн заведующее Иванова Л. А.), ог'я вераса, дасяськон уж'ёсты быдэстйз ини. Школалы капитальной ремонт лэстыэмын. Вуж учебник'ёс басытэмын, гур'ёс но партыос тупат'ямын, дышетскыны вуэм арлы до нылпюс ваньмыз лыдэ басытэмын. Дышетйсьёс выль дышетскон арлы, августовской конференцилы дасясько. Озы ик Пазелинской сельсоветысь Старо - Игерманской начальной школа но урод уг дасяськы. Татын 6 гурзы ваньмыз ик гуэ выль тыремын, пу дасямын быдэс арлы но ваньмыз вандэмын.

Нош тани чош сыче школаос но вань, куд'ёсыз выль дышетскон арлы урод дасясько. Кылсярысь, Истоминской начальной школа куинь-

метй арзэ лэстыське ни, нош ку вуоз, тодмо овёл на. Шабердинской сельсоветлэн исполкомезлэн председателез Степанов эш школа лэстыонэз йылпум'ян понна уг дырты. Озы ик колхоз'ёс но ожыт юртто. «Кама» колхозлэн председателез Тюлькин но «Малиново» колхозлэн — Рылов школаез вуттытозь быдэн 4 мурт ужась сётныны кыл сётйзы вал, нош ужало быдэн 1 мурт гинэ, куддыр'я одйг мурт но уг ужа.

Тани Лудорвайской средней школалэн азвыл директорезлэн А. И. Ивановлэн янгышеныз кирпич ворттытэк кылиз, соин сэрэн школалэн гур'ёсыз но тупат'ятэк кельтэмын. Постольской, Лудзинской школаос но мукет'ёсыз, озы ик урод дасясько выль дышетскон арлы. Районысь 35 школаос пёлысь умой-умой 23 школа гинэ дасямын. Парты лэстыон план но быдэстэмын овёл, районысь школаослы 300 парты лэстыны кулэ, нош лэстыэмын 50 гинэ.

Школаосты выль дышетскон арлы дасян ужлэн таке состояние луыса но районолэн заведующее Лопатин эш та тырмытэосты быдтон понна нокиче ужрад'ёс уг куты.

В. А. Себельдин.

Ларек пытсамын..

Ягульской сельсоветысь «Холмогорова» колхозын Вожойской потребобществолэн ларекез вань, кудйз кукке соку гинэ усытылйське. Тани, кылсярысь, 3 нунал чоже —

14, 15, 16 июле — та ларек оз ик усыяськылы.

Ларек малы ворсамын шуыса юанлы, сельполэн председателез Мосалев шуэ, что 14 июль азелы Созонова уволиться кариськылыз, 15 июле шутэтскон нуналэз вал, нош 16 июле уже оз поты соин, пе, что солэн мултэс ужам час'ёсыз вань вал. Сельполэн председателезлэн та валэктэмезлы паймоно кадь. Ужан нунал'ёсы Созононалэн ларекез чукна но жытазе часэн жыныен сяна уг усыяськы.

Районын ю-нянь октон-калтон уж'ёс пумын паськытало. Потребкооперация вузкаронэз али бусы уж'ёслэн условиоссылы тупатон сярэсь малпаны кулэ.

Нош Вожойской потребобществолэн ужасьёсыз ласянь, куд'ёсыз тйяло СССР-лэн Верховной Советэзлэн Президиумезлэсь 26 июне 1940 арын Указзэ, Ижевской районлэн прокуратураез ужпумез эскероз шуыса малпано.

Колхозник.



Нош ларек пытсамын. Ку меда лареказ ужа продавец Созонова?

Колхозлэсь муз'емзэ тус-тас каро

Колхозлэсь общественной муз'ем'ёссэ тус-тас каронлэсь возманлэн ужрад'ёсыз сярэсь партилэсь но правительстволэсь 1939 арын 27 мае постановленизэс уж вылын быдэстон понна нюр'яськем интые, «Ильич» колхозлэн председателез М. И. Чужанов со постановлениез ачиз нарушитй каре.

Тани Чужановлэн уж'ёсыз. Усадебной участюкез бордысь мултэссэ вандэм 0,17 га интыез аслыз пыш кизиз. Сыче ужзэ ватон понна, пуктэм юбоосты со интыосысьтыз зоштйз. Озы ик со колхозлэн возь вылысьтыз 0,20 гектар интыысь турынез аслыз турназ.

Аслаз сыче уж'ёсыныз Чужанов мукет'ёсызлы но урод пример возматйз. Соя ик Ф. М. Машагатов, И. П. Матвеев, Н. Ф. Матвеев колхозник'ёс но колхозлэн возь вылысьтыз турынзэ асьсэлы турназы. Со сяна факт'ёс вань на, кукке кудогез колхозник'ёс усадебной участюкылэсь мултэссэ вандэм интыын асьсэос ик кизиллям. Колхозлэн правлениез но сельсоветлэн депутат'ёсыз та уж'ёс сярэсь умой тодо ке но уг куарето.

Колхозник'ёс куро прокуратура-лэсь та ужез эскерыны.

Колхозник.

Пинал'ёслы ясли кылдытоно

Ю-нянь октон-калтон уж'ёс кутскизы, нош Пастуховлэн нимыныз нимама колхозын та дырозь ясли но площадка но овёл на кылдытэмын. Пинал'ёс татын 50 муртлэсь но трос лыд'ясько, нош соосты утялтыса мумыоссылы гуртын пуконо луэ, куддыр'я пинал'ёс гуртэ, нокин

возьмасьтэк, асьсэ понназы но кылэ.

Колхозлэн правлениез ясли но площадка кылдытон сярэсь решение кутйз ке но, колхозлэн председателез сое быдэстыны уг ик малпа.

М. Баранов.

Отв. редактор В. АЗИМОВ.